

# **Proclamatie van**

## **Jeugdprins Joep d'n Eesjte**

### **en**

## **Jeugdprinses Suze d'n Eesjte**

**Ich, Jeugdprins Joep d'n Eesjte, 10 joar oud en zit in groep 7 bie juf Manon, juf Kim en juf Sanne, zoon van Claudia en Maurice, groate broor van Sien en Teun, oud-prins van de BSO, fanatiek basketballer bie BC Boemerang in Urmond, zènger en knoppenis in 't köärke van juf Andrea, hilt van game en van lekker eate,**

**En ich, Jeugdprinses Suze d'n Eesjte, 11 joar oud en zit in groep 8 bie juf Daniëlle, juf Kim en juf Saran, dochter van Joke en Leon en zusterke van Bo, fanatiek lid van Scouting Munstergelaen, lid van badmintonvereniging OSA, lid van 't köärke van juf Andrea en trouwe misdeenaar in de kirk, hilt van vakanties in Italië en is gek op Italiaans ies,**

**Verkloare en make bie dizze bekènd:**

**Ten Eesjte:**

**Dat veer prinses Isa en höäre Narrin Loes hartelik wille bedanke veur 't aafgeloape joar. Ze höbbe d'r door hunne "Girl Power" eine onvergeatelijke vasteloavend van gemaak!  
Veer vinge 't fantasties dat veer dizze taak noe van hun moage euvernumme.**

**Ten Twiëede:**

**Dat veer blie zint dat ozze Narrin Tessa metein JOA heat gezag op de vraag of zie ozze Narrin wou zeen. Veer goan d'r mit os drieë 'n geweldige Vasteloavend van make!**

**Ten Derde:**

**Dat veer ozze pap en mam wille bedanke dat veer os höbbe moage opgeave, en auch oud-burgemeister Beckers dat hea ozze briefkes oet ziene hood heat getrokke.**

**Ten Veerde:**

**Dat veer os verheuge op d'n optoch op zoaterdag en maandig, om saame op de waage te sjtoan en door os Sjitterend Sjènne te trèkke.**

**Ten Viefde:**

**Dat veer blie zint mit die sjtopleechte oppe kruutsing van de Durpsstroat en de Stationssjtroat. Doadoor is 't al daag Road-Geal-Greun in Sjènne!**

**Ten Zösde:**

**Dat ich blie bin dat ich op de Stationssjtroat bie de euverweag bin komme wone. Es sjtraks 't hoes geseerd is wèt jekerein woa de prinses van de beste Jeugdkarneval van Limburg woont.**

**Ten Zevende:**

**Dat de jeugd os mot beloave de Vasteloavend in Sjènne in sjtandj te houte. Want Vasteloavend viers 'te in dien eige dörp. Geweun allemaol hie noa de Narretempel komme! Sjeip dien pap, mam, breurkes en zusterkes mèr mit, want es die einmaol hie zeen, wille ze neet meer noa hoes!**

**Ten Achste:**

**Dat veer d'r same mit Prins ..... en ziene Nar .... van de Schinöster en uch allemaol 'n supersjieke Karneval van goan make met hiël vöäl sjpas en plezeer.**

**Ten Neugende:**

**Dat veer zulle loate zeen dat de jeugd van Sjènne de Karneval in 't blood heat. Dat hōbbe ze namelik van hunne pap en mam mitgekregene en dat zulle ze auch weer aan alle toekomstige Schinösters en Schinösterinnekes doorgeave!**

**Ten Tiëende:**

**Juf Andrea, reaken de kommende weake mer neet op os, veer zulle neet good bie sjtum zin!**

**Ten Elfde en tot sjlot:**

**Os motto is:**

**"Zinge, sjpringe en sjpas maake duis'te neet allein,  
doarom sjtoan veer hie biejein,  
veer goan d'r mit z'n alle get sjoans van maake,  
en zulle deze Narretempel op zien grondjveste loate kraake!"**

**Gegeave vanoet de Narretempel op Zondag 29 Januwarie 2017. In aanwezigheid van alle groate en veural kleine Schinösters en Schinösterinnekes loate veer noe de Sjènnese Jeugdkarneval 2017 beginne mit 'n drie-kreftig:**

**ALAAF ALAAF ALAAF**